

DISPUTATIO MEDICA INAUGURALIS,  
DE  
STERILITATE  
MULIEBRI,

QUAM

SUB

RECTORATU MAGNIFICENTISSIMO  
SERENISSIMI AC CELSISSIMI PRINCIPIS AC DOMINI,

DN. LUDOVICI,  
DUCIS WIRTEMBERGIÆ AC TECCIÆ,  
COMITIS MONTISBELGARDIÆ,  
DYNASTÆ IN HEIDENHEIM, &c.

FUSSU


GRATIOSI COLLEGII MEDICI TUBINGENSIS,

P R Æ S I D E

DN. GEORG-BALTHASARE METZ-  
GERO, Med. Doct. & PP. Celeberrimo, Domino  
Patrono, Promotore & Hospite colendo.

P R O L I C E N T I A

LAUREÆ DOCTORALIS PRIVILEGIA  
PROMERENDI.

Ad Diem  Maji ANNI JUBILÆI 1677.


*Publico Examini exponit*

JOANNES FRANCUS, ULMANUS.

*Heic est naturâ indice turpe nihil.*







J. F.

**V**Tero, tanquam communi patriæ, nos omnes, quo vivamus, orbemque augere possimus, grates debemus: hoc enim in officio cessante unius ævi turba erimus, & in nosmetipsos ruemus. Hinc Medico, ceu satori & statori sanitatis, ut infensos ab eo hostes hinc illinc irruentes propellat, incumbit; expugnato enim semel hoc castello, omne vastatur, demolitur, *tristisque* inter alia *Sterilitas* sedem & pedem ibi figit; quam hâc vice pro talento mihi concredito tractare constitui. Priusquam autem huic labori manum admoveam, Verbum ineffabile, *monente ipso Coo*, submissè invoco, ut ex alto det prudenter agere.

THESIS I.

**N**Omen *Sterilitatis* quid sit omnibus notum, ac ex adposito subodoratu facile est, me non de *sterilitate* agrorum, arborum, &c. sed in specie *mulieris* locuturum; eam autem tali modo describo: *Sterilitas est impotentia concipiendi mulieris, sub iusta ætate, viri rectè se habentis consuetudine debite utentis, conceptricem uteri facultatem frustratam sequens.* Per *impotentiam* fructum seu symptoma actionis læsæ naturalis & quidem abolitæ intelligo; addo *concupiendi*, ut concipientes quidem, conceptum verò ante tempus rejicientes, hoc vitio, quò propriè non notantur, absolvam, quod rectè contra *Hippocratem & hunc secutum Valesium in 2. epid. § 3. t. 25. Paul. Zacchias quest. Med. leg. lib. 3. t. 1. q. 7. n. 8.* monet; *mulieris*, pergo, *sub iusta ætate*, quo ipso minorennes & majorennes, ut ita loquar, partim ob defectum partim excessum annorum ad concipiendum non habiles, removeo; *vir rectè se habentis*, i. e. fœ-



cundi, *consuetudinem* debitam urgeo; hâc ergò consuetudine vel non gaudentes, vel non debite, i. e. non ad legem & rationem à natura institutam, vel virò non recte dispositò, utentes, in steriliū censum non repono, nec, qui hinc sequitur, concipiendi defectus propriè sterilitas dici meretur.

II. Subjectum *uterus* est, humanæ sationis officina, mirum naturæ ἐργαλεῖον, primum plantarium, quem sicut natura ordinariè operi huic unicè destinavit, ut citra hujus convenientem adparatum conceptionem frustra expectaveris, teste *Guil. Harv. gen. anim. c. de concept.* ita, cùm contrariorum idem sit subjectum, læsæ etiam hujus actionis affectam partem meritò agnosco. Varias dissentientium opiniones alias collectas & examinatas vid. *ap. Th. Bartholinum de insol. part. viis. B. Rolefincium meth. cogn. fabr. generat. dic. part. p. 2. c. 45. Ch. Frid. Garmannum de ovo hum. §. 40. seqq.* quas cum dictis conciliare haut difficile æstimo.

III. Causam immediatam *frustratam uteri conceptricem* dixi, quam mecum *Medicorum* potissimi amplectuntur; quò autem hæc lædatur modo, diversas opiniones invenio: ut rem compendio contraham, tota ferè *Antiquitas*, seminis utriusque sexûs non debite factam in utero commissionem incusat, de qua sententia *Cous* omnium instar legi meretur *de genit. 1. 8.* quem quasi ducem gregis in hunc usque diem tantum non omnes secuti, qui missionem non modò amborum seminum in uteri cavitate urgent, sed & ita necessariam statuunt, ut si deficiat, de conceptione statim actum & conclamatum esse putent; *restibus heic opus non est.* Primus ferè *Harveius* fuit, qui divorcium hoc in negotio à veteribus fecit, remque longè aliter se habere circa conceptum *l. c. exerc. 32.* judicavit; scilicet, non dari commissionem ex semine muliebri, ceu non ente, & geniturâ viri tantum per contagium concurrente; hocque variis rationibus, & observationibus probat, quibus vett. hypothesin de sterilitatis nostræ causis tollit. Licet verò hanc in præsens controversiam ex professo tractare animus non sit, jamque *Harveii* opinionem *Hieron. Barbatius Marc. Marci & Consentinus* sub incudem vocarint; scopo tamen meo ut satisfaciam, verisimiliter ita censeo: 1. semen mulieres omninò habere, idque ad conceptionem necessariò conferre; esse autem



hoc non lymphaticum illum humorem, qui hæctenus ferè omnibus imposuit, quem foeminae subinde, salaciores præsertim, in cohabitatione in uterum effundunt, in alios quoscunque usus à natura suppeditatum & in sectione non rarò obvium; sed ovula quædam sui generis, in testibus muliebribus, ceu ovario, *Nic. Stenonis industriâ* primùm detecta, mox *Hornio & Kerkringio* plenius observata, & nunc omnibus Anatomicis oculatiorib<sup>9</sup> facile conspicua, muliebris seminis locum nomenq; tueri; hæc debite maturata, & ad uterum deducta per tortuosas tubarum cavitates primū conceptus in utero principium probabiliter ponunt. Tale ovulum *in Salana* ipse cum pluribus, in scorto *Exc. D. D. Faschii* cultro anatomico supposito, ab ovario suo jam abruptum per tubam ad uterum tendens meis his oculis usurpavi.

2. Marem semen suum necessariò contribuere, ut conceptio fiat, nullamque, nisi sociâ hæc causâ concurrente, conceptionem s. n. fieri, quo de experienciâ quotidianâ adstipulante nemo sani incipitis dubitat. 3. Hoc autem semen virile non tam καὶ ὄγκον, quàm κατὰ δύναμιν in commistione partibus foeminarum genitalibus communicari, volatiliq; & spirituosâ substantiâ suâ uterum & ovula disponere & foecundare, ut conceptioni apta, maturaq; fiant. Præeuntes hîc sequor *rationibus non modò verisimilibus, sed fidâ experienciâ munitos viros, Harveium, Everhardi, Rolefincium, Deusingium, aliosque.* An autem statim in ovario spirituosum hoc ova contagio imprægnentur, an in utero demum id imbibant, rem scopum meum haut ita tangentem in medio relinquo. Interim certus sum, non in utero modò aut partibus vicinis particulas illas spirituosas oberrare, sed sanguinis circulantis ope universo corpori foemineo communicari, foeminamq; quâ animum & corpus diversimodè mutare, teste experienciâ. Hinc suppositis his concludo: *si ova muliebria in ovario debite non elaborantur, nec decenter in uterum per oviductus deferuntur, ibique radicantur, si spirituosum viri contagium sufficienter non imbibunt, conceptricem ladi aut frustrari.*

IV. Proximè autem hæc infortunia uteri accersunt morbi varii; intemperies omnis generis *Cous noster* recenset *s. aph. 62.* acciditque hîc naturæ agro, quod terræ quacunque laboranti intemperie, cui semina concredita feliciter & ex voto



non germinant; quâ ipse *Pergamenus* similitudine delectatur *in comm.* Rarissima tamen immodicus uteri calor causa putatur, ut pleraque inde medicamina calida & sicca laudentur, notante *Excell. Dn. Wedelio Doctore & Ductore meorum studiorum maximo in Comm. MS. de M. Mul.* Omnium verò frequentissima frigida & humida; Archeus enim ex sententia *Helmontii* per blas suum frigidas fabricat ideas, vias, meatusque circa uterum præsentis constringit, miasmatis seminalis pro irrorationis ovulis penetrationem impedit: verbò; ut frigide opus hoc naturalissimum succedat, facit. Luxurians humiditas fecunditatem, imò fecundorum jam ovorum in utero moram & radicationem prohibet. Nec minorem uteri & conspiciantium partium mala conformatio culpam meretur, cujus iterum ex parte meminit *Senex noster l. α' α' τόκων in princ.* obserata ita subinde muliebria loca sunt, aut arctata, sive vitiò congenitò in atretis, sive post natò in aliis ex vulneribus, ulceribus, tumoribus, & in specie scirrhis varias uteri partes obfidentibus, ut conceptionis media vel planè non, vel tamen non sufficienter admittant. Aliquando clitoridis justò major prominentia conjunctioni conjugali obstaculum objicit: idem excrescentia carnea circa inferius colli orificium adnata longitudine digitum minorem, crassitie lumbricum ferme æquans, extra collum uteri pendens, idque exactè claudens præstitit, *in ephem. nat. curios. an. 2. obs. 208.* Sufflaminatur insuper conceptionis negotium testium muliebrium præcipuè & tubarum vitiosâ dispositione: illi ψαδγοί à natura facti, & ex mollibus vesiculis conflati, ut ovulorum generationi structura faveret, si carnosiores & compactiores sint aut pinguedine nimia comprimantur, si tubæ intercipiuntur, ut vel contagium virile non inferri, vel ovula uterum ingredi non possint, suâ foeminas spe defraudant. Ovorum ipsorum lymphatica fatuitas, carnosior iis inducta pellicula, ob quam nec masculi seminis mixturam, nec, phrasi hætenus consuetâ, *contagii Harveiani* quasi irradiationem pati possunt, paria moliuntur; hinc vel putrescunt in testibus, aut in uterum delata in molas degenerant carnosas, aut insensibili egeruntur abortu, corrumpunturque, secundum *Garmannum l. c.*

V. Dictas causas promóvent remotiores aliæ; 1. è *naturalibus* rebus temperamentum sanguinis vel totius quodcun-



que excedens malè audit; sub calido ovorum materia consumitur; sub frigido non generatur; humidum aquosa nimis ova cudit & sterilia. Nimis pinguem corporis dispositionem suspectam *Cous* facit. *de aere, v. a, & l. t. 101.* ut & macilentam *lib. de steril.* his materia generandis ovis debita deest, illis in pinguedinem abit, aut, ut *Cous* vult, *os uteri imò tota substantia uterina, pondere obesi aquaticuli & omenti comprimatur, formamque conceptioni inidoneam induit: κατὰ τὸν* tamen non esse, multa exempla in contrarium euntia testantur, nec certiora de statura corporis sive excedente sive deficiente promittere aſſim. De diſſona utriusque ſexus harmonia multi multa proferunt, in quo autem hoc conſiſtat, nullus ſatis explicat, nec meum eſt, penitus in hanc inquirere, cùm abſolutè loquendo ſterilitatem non cauſetur, conceptusque alii juncſtâ viro ſœminâ facilè ſequatur. 2. Ex *non naturalibus* aër auſtrinus, *l. c. t. 18.* nobilitatus eſt, ſubjugatis enim in ſanguine partibus ſulphureis & baſſamicis à frigidis & pluviſis, vosa & conceptioni inepta ova prodeunt: quo crimine quoque aër hyemalis laborat; peculiari aliquando malignitate infectum fuiſſe, qui Agrigenti ſœminas præprimis ſteriles reddidit, *Clemens Alexandrinus ſtrom. l. 9.* auctor eſt. de ſterilibus conſtellationibus ſuſpectis conſulantur *Aſtologi*. Cibus & potus manus affectui noſtro opitulantes porrigunt: ille quibuſcunque partibus vitioſis infectus labem in chyloſum ſuccum & ſanguinem transmittit, uteroque ita & ſeminali materiæ non benè conſulit. Caſtratorum animalium comestæ carnes ſterilitatem inducere *7. B. Porta* adſerit, conſentientem tamen experientiam non habet. Dulcia, quod naturam confortent, laudant mulierum potiſſimæ; hinc totò die ſaccharata ingerunt; augent hæc quidem vires, aſt ſuccum ſubſtantificum non præbent, verùm in his fermentationem ſanguinis & bilem excitant, in illis lutulentum ſuccum ſtagnantem & oſcula vaſorum obviſcantem reddunt. Copia vero potûs præ cibis efficacior putatur, væ præſertim frigida, *de gen. anim. 2. paluſtres l. de aere, v, & l.* friget enim ferè ſine Baccho. Quis, fermentoque ventriculi corrupto coctionum & totius corporis vigor perit cum ſatellitio non rarò cachexiæ & ipſius hydropis. Vini tamen imoderatus etiam potus ovula fatua minatur. *†*ti nimio  
uſu



usu in sterilitatem incidisse mulierem novi, quod cum acidis aliis nervosum genus pungit, caloris vim ferventem in conceptu & semine pervertit, volatiles partes sanguinis ligat, quo dein menses sistuntur. Potus Cossi ♀em pariter extinguere scribit *Olearius in itiner. Pers. lib. 5. cap. 15.* Nonnullis etiam medicamentis manifestis partim, partim occultis viribus operantibus, effectus imputatur; ex vegetabilibus famosa sunt, ruta, sabina, mentha, lingua cervina, filix, asparagus &c. imò splenetica magna ex parte, *Aetio* attestante, omnia purgantia alii etiam suspecta faciunt, quæ sine dubio de usu excessivo admitti debent: ita tabaci ex fistula usus fœcunditati obstare dicitur, quo de prolixè egit *7. Christ. Magnenus exerc. 6. de fumo tabaci §. 10.* Sapphirus, smaragdus, gagates gestati sub cohabitatione steriles reddere dicuntur; ast fides sit penes experientiam; interim dicere auserim, nullibi in tota medicina plures fumos vendi, quam in tractatione gemmarum & lapidum. Nec camphoram adeò metuendam censeo, nî in frequentiori usu pecces, ubi ob partes sulphureas purissimas cum ☉e volatili permixtas fortiter penetrando similesque in sanguine obvias atomos dissipando imbibendo, præcipitando corpus plus debito refrigerat, & ita ♀em debilitat; nimius chalybis usus huc quoque trahitur: plura recensere vereor, ne in abusum à maleferiatis trahantur. Stricta nimis vestimenta gallicò illò planchette præsertim armata, quibus se junceas fœminæ cum maxima valetudinis noxa reddere student, pectus & ventrem violentius comprimendo opem multam ferunt. vide *Benedictum Sylvaticum c. 4. consil. & respons. Med. 62. Georg. Francum sat. Med. contin 9. de planchett.* Motus & vigiliæ in hunc causarum censum quoque veniunt; conceptionis enim materiam vel absument vel aliò deducunt. Rusticæ ita mulieres ob continuos labores, Scythicæ olim, & hodie Magnatum interdum conjuges ex judicio *D. D. Wedel. in MS.* ob equitationem crebriorem & venandi studium minus fœcundæ creduntur. Contrà quies nimia & somnus multam in sanguine & circa uterum faburram colligunt, conceptionemque infirmant. In tributis Daris defectu sulphur sanguinis partibus austeris, stypticis collectis implicatur, viscidis tartareis mucilaginosi succis viæ obfidentur, vasorum oscula obturantur, interdum quoque œde-



mata notante *Exc. D. D. Ermullero in MS. Chirurg.* generantur, muliebrique arvum sine fruge relinquitur; serosiori etiam & acriori reddito sanguine, Archeoque plus justo irritato, foecunditatis hostis, fluxus nimius fieri potest; quod idem venis etiam sedalibus nimis fluentibus *Bened. Sylv. c. 4. obs. 62* adscribit. Quæ *Messalinam* Imperatricem, profligatæ libidinis foeminam, in libidine imitantur, aut *Q*ri tardius litant, viam ad sterilitatem sibi sternere possunt. Illud prostibula meritoria, hoc serum conjugium incuntes subinde probant. Fonticulus diu apertus, feto per cervicem trajectus sterilitati quoque patrocinari, rationibus tamen & quotidianis observationibus contradicentibus, traduntur. Nec infœcunda in foecunditate extinguenda animi pathemata sunt; si excedunt; hoc de mœrore diuturno *Sennertus* affirmat *l. 3. Pr. part. 9. s. 2. c. 1.* idem de terrore *Sinibaldus 6. geneanth. 1. 2. c. 2.* asserit, nec aliud de effuso gaudio statuendum videtur; ubique enim prolificæ virtuti periculum jacturam aut concentrationem jugulum petitur; odium inter conjuges & invitos amores conjugium plerumque sterile sequitur, monente *Ætius*; mulierem, si in cohabitatione ploret, non concipere *Mercurialis lib. 1. de m. m. c. 2.* autor est, de similibus idem judicium. Ex *p. n.* cacochymia, hujusque fructus, fluor albus, febres *chron. ard.* viscera malè disposita efficacia sunt. Omentum præter naturam pingue & os uteri comprimens *s. aph. 46.*, durum aliud & lapideum apud *Dom. Panarolum* notatur. Denique incantationes vel ligaturas, das Nestel Knüpfen/ sterilitatem inferre posse cooperante, ad Dei permissionem, diabolo, lippis & tonforibus notum; modos penè infinitos ligandi tam viros quam foeminas reperiri scribit *Del-Rio disq. mag. l. 3. p. 1. q. 5. s. 8.* ultra 50. *Bodinus de mag. dem. l. 2. c. 1.* numerat, de quibus etiam *Sennertus* prolixus est *l. 6. Pr. p. 9. cap. 1. seqq.* Sed satis de causis: *Differentias* ex jam dictis colligere facile quivis potest: igitur ad *Signa* propero.

VI. His autem in sterilitate in genere exploranda vix opus est, propriò enim se indicio suo, conceptionis defectu, prodit. Plus negotii causæ à se invicem secernendæ facessunt. Quarum tamen plures non obscura post se vestigia apud Practicos hinc inde obvia relinquunt, suisque etiam intemperies potissimum patent. Conformationis vitium, præsertim externum, ut & extra admissa alia ipsius ægræ & adstantium relatio vel ipsa ocularis inspectio manifestant: nec affectus *p. n.* expertum Medicum latere facile possunt. Vitiosa ovulorum constitutio ex præsentia cacochymiae colligitur. Steriles



astrorum aspectus ex themate natalitio Astrologi venantur. Si hæc & alia signa omnia exulant, muliere cætera vividâ & sanâ, incantationis incidere suspicio solet.

VII. Quà *prognostica* malum hoc præsentaneū quidem periculum non minatur; steriles autem morbosas magis præfœcundis tardiusque his senescere, non sine ratione & experientia *Avicenna* dixit. An curatio facilis an difficilis aut planè impossibilis futura sit, ex causis, unde pendent, colligendum. Cognitu interdum difficiles imò planè occultæ causæ subsunt, ubi ad empirica confugiunt Auctores partim ridicula partim superstitiosa, imò impia planè & christianò indigna, quæ à Doctoribus petantur. Ex præcepto *Hippocratis* sterilitas an curabile malum sit, suffita per muliebria excepto experimentum fiat *s. aph. 59.* quod fecit *J. Petr. Lotichius obs. med. l. 5. c. 1. obs. 13. seqq.* vias *Lindenius phys. med. c. 6. art. 8.* monstrat: quicquid sit; illam duntaxat sterilitatem probari, quæ ab uteri obstructione ac densitate originem ducit, in aliis causis irrita thymiamata *Sinibaldus l. c.* credit. adeò tamen huic fidunt experimento alii, ut in virginibus antequam elocantur fieri hoc suadeant *Cardanus & Rod. à Fonseca in comm.* Sed in se quidvis potiùs aliud admitti virgines patientur quam infundibulum hoc odoratum, verbis *Dieterici in Jatro.*

VIII. Restat curatio, ubi quid agendum quæritur; ante omnia peccantes quæcunque in corpore & sanguine causæ corrigendæ, evacuandæ, intemperies emendandæ obstructiones & conformationis vitia, si fieri potest, tollenda, peculiare partium & uteri præcipuè morbi amovendi, externa etiam abigenda &c. quæ prudens Medicus nec temerè nec timidè ex tribus consuetis fontibus adgredi debet.

IX. Ex *Chirurgico* fonte adeò proficua remedia fluere non videntur, cum frigida ferè & humida intemperies apud potissimas corrigenda veniat. Si tamen ex *Daris* fluxus defectu & collecta inde sanguinis copia, ut abortûs sæpius, ita & conceptionis abolitæ causa pendeat, V. S. utique omnium optimum est remedium, fiatque loco & tempore secundum methodum notis, etiam largior in calidioribus: substitui jubente necessitate vicariæ chirurgiæ possunt. Hæmorrhoidibus curatam *Aquapendens* sterilitatem vidit in *O. C.* Fonticuli etiam locum habent, ubi sentina humorum vitiosa felicem ovulorum proventum impedit, profluvium album &c. movet. In atretis sive velatis unicum in sectione auxilium consistit, quæ ne



subitò iterum coalescat fistula ex *Ue* aut aliis immitti potest.

X. Ex *Pharmaceutico*, cacochymia præsertim & mensium inde nata obstructione indicantibus, *preparantibus*, pro diversa humorum natura & corporum dispositione, variis opus est; ex pluribus mihi probentur *Θ* arthemif. f. & vitriolat. cichor. pulv. cachect. Q. c. *⚥* diaph. & *⊙* cinnam. croc. *⚥* tis aperit. & similia. v. gr. ex radd. ari vel bryon. pulv. hepat. r. q. f. elegans digestivus pulv. pro aliquot diebus concinnari potest. Huc spectant *⚥* lia omnia, quæ non tantum pituitam incidunt, sed & acidos, austeros & acerbos humores absorbent, *Θ* sos *⊖* tant, viscerum infarctus liberant, & chylum edulcant, quod mechanicè demonstrari potest. Qua formulam, liquida, quia felicius penetrant, magis adrident; v. g. M. S. *⊖* aperit. Penot. Tinct. *⚥* is cydon. Tinct. *⚥* tartari f. ad gtt. xxx, xxxiii. vel cum arcan. tartari, arcan. duplic. & c. Si humor viscidior & contumacior, conveniunt *Θ* ia vol. cinam. succin. vina medicata præcipuè laudantur, nec non decocta sab. puleg. Hæc *purgantia* excipiunt, ex pill. aloet. marocost. rhab. gialap. agar. extract. *∇* mag. Q. cum castor. extract. *⚥* is, resin. gialap. Vel noduli parentur ex mechoac. gial. rhab. agar. herb. *⚥* ial. meliss. radd. aperientibus, fl. anthos, salv. crem. tart. tartari vitriol. & c. commodissimè autem præscribuntur talia paulò ante *Ure* tempus; ita enim sæpe post exhibita purgantia rediisse menses observatū: necessitate urgente per vices hæc repeti debent. Profunt etiam ventriculo & primis viis laborantibus *vomitória*, quorum materia nota. Serofam pariter cacochymiam feliciter exhauriunt *diaphoretica*; decoct. lign. vel solius vel cum rad. sarsapar. commisti, heic quoque princeps hoc in casu *sassafras* in decocto, essentia, tinct. & c. propinatum, remedium decantatur. Si breviora placent, bez. min. *Ure*, *Uale*, *⚥* ium diaph. CC. & his similia eligantur. nec negligenda *diuretica*, *⊖* *Θ* is, *Θ* i, cum jusculis dati. Peccante obesitate, pill. contra obesit. Myns. reformatæ cum essent. lign. *⊙* lign. *Ω* to. nec non ex sassaf. antelaudata, ut & potus acidularum, *∇* *Θ* sar. thermarum usus internus & externus & in hoc & pluribus causis locum habent: moderatò etiam *Θ* usu obesitas secundari scribitur.

XI. His factis, *alterantia* interna & externa sanguinis uteri & aliarum partium discrasia desiderat, & quidem corroborandi simul & specificâ, ut vocant, virtute conceptionem juvantia. Ex pluribus pauca dabo: duæ steriles ex humidiori utero solo *⚥* alis succo jusculis sumto & encolpismò injecto, nec non sub lecti ingressu coag. lepor. *℥j.* propinata convaluere ap. *Heer. lib. 1. obs. 14.* idem alii cum



*Lindano in prax. chimiatr. Hartm.* in frigida & humida intemperie de roremarino internè & externè, præsertim in balneis & fomentis, sibi promittunt, ut ex lacte in calida & sicca. In quacunque ferè caussa medicamenta à satyrione petita probantur, rad. item eryng. conditæ sem. fesel. eruc. ammios, socolat. ind. nux mosch. fœm. uterus leporis cerv. suis, pulv. secund. hum. umbilicus humanus sponte decidens & exsiccatus, decoct. specif. Q. ♀ formic. caro viper. & hujus ☉ vol. ♀ uteri cerv. *Dn. D. Mich. in not. mss. ad Chim. Rolef.* magni æstimat: moschus si præbetur, castoreo maritetur. Internis externa adjungi possunt, e. g. balneum contra sterilit. *Mynsich.* probatum, ex integro formicarum cubili exstructum. In fortiori caussa fortius adstringentia cum One addi debent, thermæ sulphuræ, bituminosæ, Osæ, Oosæ, quarum vices subinde etiam fomenta ex appropriatis & suffitus ex thure, mast. succ. myrrh. G. junip. sinu muliebri excipiendi supplere possunt. Pessi pòst non incongruè ex styr. myrrh. succ. Qial. pulv. uteri cerv. castor. adplicentur, injectiones in caussa calida ex decoct. hord. emuls. frig. in frigida ex jusculis lacte o o amygd. d. Nonnulli suadent etiam liniment. ex o o cheir. zibeth. mosch. ambr. sed ne quid nimis ob suffocationis uteri metum. *Borellus* menthastrum locis muliebr. ante viri accessum imponi jubet *c. 1. obs. 30. Rhumeli<sup>9</sup> in gynæcopharm* anguillam sacculo coriaceo inditam supponit ad uteri purificationem, quæ omnia & his similia commodissimè post mensium fluxum ordinantur. Sunt, qui per transplantationem sterilitatem corrigere satagunt, de qua vid. *Tenzel. in med. diastat.* Si ex sterili constellatione mulier sterilis videtur, insignis fœcundis amori indulgendum suadent, quibus de consuli Astrologi possunt. Sed quid in incantatione aut ligaturis agendum? ad aphrodisiaca & hic confugiunt Doctores, nupta iis quæ contra fascinum facere creduntur, ut sunt verbena, hypericum, ruta, &c. sæpe etiam ridicula & superstitiosa admittuntur; sic novi restitutam per urinationem super scopas recentes, aliam per annulum nuptialem &c. plura ap. *Primeros. de Morb. M.* vid. placet autem de his judicium *Sennerti. l. 6. Pr. p. 9. c. 9.* In desperata caussa malitiosæ nonnunquam fœminæ ultimum in permutatione virorum asylum quærunt. Denique nec viscerum Cura, ubi opus, negligenda.

XII. Cætera fons diæteticus subministrat, unde auxilia contra quascunque caussarum minas & abolendas & declinandas fluunt de quibus in genere hic ob pagellarum angustiam monuisse sufficiat. specialia *Pract.* libri suppeditant; pleraque tamen ex superioribus colligere facile est: rivum igitur claudio.